

Nastavak saradanje sa Sindikatom trgovine i uslužnih djelatnosti BiH i Norveškim sindikatom trgovine

Predstavnici Sindikata trgovine i uslužnih djelatnosti BiH pokazali su da su veliki prijatelji naše škole te da nam pomažu u realizaciji brojnih projekata. Ove školske godine, posredstvom Sindikata, ostvarili smo saradnju sa Norveškim sindikatom trgovine čiji su predstavnici boravili u ponovnoj posjeti našoj školi u aprilu.

Prilikom ove posjete našim gostima iz Norveške predstavljeni su projekti koje škola planira realizirati u narednom periodu, a za koje će Norveški sindikat obezbijediti sredstva. Podržat će nas u opremanju novog multimedijalnog kabineta, opremanju aranžerkog studija te u realizaciji maturskih radova učenika aranžerskog smjera u „Noći aranžiranja“.